

4

T 3150/2074.83

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
MAY 26 1939



崞縣志卷之七

哈佛大學漢和  
圖書館珍藏印

藝文下

崞縣賦

國朝  
邑人 蘭爾潛

繫維崞邑周匝山區土風剛燥野徑盤紆接天倪  
而振彩奠地軸之雄圖廣縱橫其式闢環高下以

平鋪東跨五臺

一百二十里

西吞八口

抵朔州一百八十里形勝

據中央之勢南襟忻界

抵忻口七十里

北扼鴈門

抵代州六十里

分疆躔參井之墟

天文崞縣在參井分野

此固三關之鎖鑰

縣旁有三關

實則全晉之機樞粵若堯號冀州舜稱并



域禹貢中都卓有定則迨殷商之制如唐至周更

晉趙異色并州城自唐叔封國後更號晉戰國屬趙復有秦新雁郡之

名屬雁郡魏建石城之極置石城縣齊開北顯改為北顯州之

疆隋錫平寇平寇縣之飭唐以武延造其圖制武延縣又

以唐林弘其闕又更名唐林縣梁以白鹿社其城改唐林為白鹿

縣晉以廣武擴其幅改為廣武宋初有屬代之規終省

作鴈門之翊惟漢之制崞都漢始置崞縣至今尚仍遺

式蓋以西南高聳有山號崞狀挺然而障塞也覽

故事於歷朝知分更之消息其山則白仁陡峙西北

四十里通志入代今按碑記屬崞黃崑曼延西南七十里南坡霧

列西南一百二十里福壽雲連東南七十里鳳羽間松青而

滴翠東南一百二十里有石如鳳毛及松形石紋還珠紫以生好鳳

山之西三十里有他如栢枝西二十五里以石前

石如珠稍紫色紋類栢枝故名高西南五十里巨橫十里凭牛東南三十里游草東南一百

相傳有鳥子食其母山為之赤涵蓋萬千其水則

草生其地者枝葉倒垂故名浪湧三泉西南五十里東流入漳水漢高祖液浮

甘露在崞山神廟左神池之滸瀾淪一在凭牛山

板河之波爭布北二十五里蟾酥池名西汎濫一



瀉識底績於中流沱澤城東一里許汪洋發源知孤山

之東注源出繁峙孤山至忻口復流而東與衛河合又有南河南橋北橋

河之橋温温泉出福沙里東流入滹沱之渡疏漱

灑以滋田障滌洄而灌圃其險則石門關名聳抱崞

口擎環弔橋嶺名有秦王寨同峭函百二元岡有孟良城如海

外三山開壑驛地為咽喉之界原平南四十里即漢原平縣列

保障之間四面藩籬皆要地一連都會盡重關其

蹟則楊寨西南六十里六郎屯兵于此崔嵬秦城西四十五里始皇築長城

遺址尚存帶嶠太子西南六十里因扶蘇賜死於此名太子崖留芳烈女南

五十一里要氏二女監節尊經之閣重輝說法之臺

在白仁岩東未滅憶萬卷樓名金武伯英建而神怡想此

君軒名銅川處士郝隆建而情悅高躅遺軌披圖炳列其里

則都都相屬甲甲攸關綜三六崞異舊治三十九都今并作三十六

都之分土譜一邑之大觀其地則半瘠半肥或高

或下間有澤田餘多燥野不宜霜早而旱頻全仗

雨滋而露灑其俗則士崇詩禮農務桑麻女逸不諳

織非懶地寒不花不產棉花閨門嚴肅婚葬稱家衣粗

食淡居處無華戶敦唐風之儉習戒妹土之奢其



景則崢山叠翠

西南二十五里

仙洞藏春

北十里洞有三其中土堅色

赤秋冬縱日天涯

東南四十里峭石壁如鼓鳴

石鼓中含

太極遙觀夜色

南五十里朝元觀內有碑帶石至晚光明似

月殘碑皎發

水輪又如陽武流金於水上

南二十里源出太子崖其水支分灌溉民

田地角伏首乎沱濱

東二十五里五峯山高縱橫巨末銳有類

犀角下流滹沱

飛礪灑無雲之雨

西六十五里岩狀如人其足下

出晚鍾傳不擊之神

西南七十里土聖寺內其靈有鍾天晚不擊自鳴

則雨應禱天

五峯聖母廟禱雨即應

泉流插地

西北三十里龍泉唐魏鄭

公駐師於此以劍插狐嶺封侯

禳符二年勅建

鬼坪助勸

起邑之時神兵助築因立崢山神廟

雖若虛幻而難憑實

亦感通之攸異其祠則城隍冠斗孔參廟天魁樓

傑出

縣治巽地

梓閣高懸

文昌閣在縣治東北隅

更有關帝泰嶽

社稷郊田及夫風雷雲雨節義山川莫不歲時薦

享期仰報於坤乾其塚則芳草斜陽同歸燼滅祁

墓

祁元帥墓在東南七里合河村

荆榛扶陵

扶蘇塚在西南四十里

坵垤斷

碑認宗族之墟

張宗族墓在同樂灣碑刻猶存

荒土傳魏徵之穴

縣南四十里西雲村之郊

自古英雄皆然撫懷悽惋欲絕其坊

則都憲

梁璟

風憲

田益

大參

常景先

少參

賈繡衣傑王司馬



劉雙桂賀瑤賀瑣步蟾李讓父子傳香張仁甲甲丙午丙聯

鑣而奪幟祖孫濟美郝璋郝庚庚壬午壬午分道以揚

驂至於旌賢表節風表勸廉時而四其坊以優女

節婦坊樓旌義民時而五其樓以獎男此又千秋

之佳貺萬古之美談而乃發越既光土宜攸出擅

地利於中都毓瓌奇於萬物畜則馬稱神駿牛號

牡丹盧合標美玉狻壯觀猶獷猛猊爰衆爰有瑜

羗抵羯盈野盈闌獸則文虎青狼黃豹班鹿赤豹

爭輝紫狐獻煜走狄兔於梁園奔山獐於上谷風

豨成列以成行蒼獾或起而或伏禽則烏鴉反哺

匹鳥幽間飛奴雅麗舞燕煽爛雞傍殘星而報曉

鴈開錦字以度關浴紅掌於翠渚戲綠頭於青灣

山雉石鷄錦奪文章之席黃鸝碧鵲巧居言語之

班噐則審冶鑄成鍋爐瓶盃梓匠雕修棹橙盤簡

推而斗斛權衡碓磨車輶資物力之長補天工之

短貨則烏薪鑿洞斥鹵煮波氈毯毛布斗笠雨蓑

瑩楮玉箋縣北橋不亞薛濤蔡網細絲綿絹銅川

宛如蜀錦蘇羅疏則鳧葵發彩鼈蕨舒英晚松色

亭系志 卷之七 藝文 五



翠早葦華青菱移西城瓜種郡平兼有蘑菇叢簇  
 雪藕交橫黃花爛熳蒲笋輕盈或餐風而菲菲秀  
 吐或飲露而菀菀芳生藥則甘草苓苓冬花芪芍  
 益母參差麻黃錯落車前半夏固治病之良材遠  
 志菖蒲亦用醫之妙藥穀則誕生嘉種有相貽留  
 莢梁稻秫黍稷麥粳秬秠糜芑農業箕裘豆腐荏  
 菽編戶春秋慶盈寧而開百室穀士女以奉先疇  
 木有綠柳青桑蒼松翠栢葉翩反其迷離陰挺柯  
 於如簣楸檀樺檜蔽雲塢而飄茫槐棗榆椿拂芬

菲乎絳繹草有青苔點綴綠茆紛披瓦松叢布野  
 莠陸離苜蓿標遐方之異蘆芽爆竹葉之奇花有  
 紅鳳茨梅珍珠玉蘂金盞鬪芳雞冠爭美或隱逸  
 也蓮屈吟而陶擬或富貴也牡丹姚黃而魏紫海棠  
 春睡燒高燭以照紅粧蓮萼夏開對凌波而賞妃  
 子片片錦茵重重羅綺果有房陵佳李漢苑含消  
 日邊董杏細核紫桃赭棗彷彿安邑之美山榛擬榔  
 坊之高石榴蘊丹砂赤粒句圓推朱璧紫瑤香美  
 蘋果蔓稱葡萄品佳簇隴藻艷輝郊凡此皆地氣



之精華孰謂非文明之攸昭至若此下言都會人文城號

巨都勢雄鴈北虎變龍翔天關地極名寨亘乎八

方邊陲橫於四塞於焉風氣以開人文以飭負版

類多儒冠子衿亦皆修實深山窮谷被服詩書野

女耕夫敦崇道德故其盛也高曠則花飛池畔之

雪金王錫扣虎橋之溪晉慧遠逃徵聘於汴梁風高

今古希元居士王德素朴之子解組紆於榆次節擢棗黎王九齡素

之猶聞國寶羽化西林翁彭舜安光先棄妻明陳光先出家學道俱

逍遙之勝致非塵俗之羈迷文章則纂序春秋趙惟

賢如魯著春秋集傳發明傳註趙本忠發賦稱燕尾之聯武伯

英賦剪燭刀詩詫天涯之句唐陶雍有拱辰疏著乎武

經著武經直解數十卷好德學昭於藝圃劉好德為高平尹興學育才其

他詞符白鳳指長城而遙吟唐王翰題長城梁詩腹飽青箱

臥日中以仰煦晉郝隆七月七日晒腹中書參軍列風雅之宗

金王特起訓導弘作人之遇明賀此殆炳乎詩書光乎

律度蔚為藻華騰輝玉路蓋文風丕變自棘院傳

芳或才高七步或學富三場癸卯四偉人永樂癸卯譚敬

忠賈顯趙仲同登桂籍丙午五才子成化丙午解元張錦賀璠

徽秦良同榜



賀瓊斬瑄並授天香至如題墨書於魏甲晏筆陣

趙通同榜於曲江統羣英之輔治見歷代之官方於是秦秀

以忠稱晉太常梁璟以直遂明尚一則履廷尉而

無慚一則排權奸而不避俱見廉推李瓚苑馬寺卿矢

慎矢公惠美張仁為縣興教興利方定甫於元城

明僑寓間仲字字定甫比龍圖於克義元定襄尹王啟孝感

而稱奇房山尹西郝璋蝗消而擢異歷官大名賈

忠來父母之歌知滄州累遷田益解貪污之繼按巡

御苑馬寺卿績著旂常名留清議夫文教固燦輝於宇宙而

武功復助正乎河山秦朗受遺輔政三國秦朗仕

軍魏為驍騎將彥威徙鎮恤艱安彥威晉高祖郝勝之銀符懸

帶五代晉郝胥鼎之遣將救關金河東南兵通軍

機而襄國務白忠忱而動天顏昂昂乎熊羆接跡

赳赳乎麟鳳排班且也賢哲輩生勲猷炳烈會風

雲於建閣宋楊沂中日耀星輝假六翮乎九霄唐

傑隆雷轟電掣甚至臨大難厲冰操孤死力衛邊

郊總管破城盡節宋楊知州被戰身塵楊震宗灑

龍逢之血吞比干之刀壯山河之氣裂社稷之勞



載在國乘疇非人豪嗣是雋彩雄飛善良畢集孝

行則飲水餒餒賀壽愈之子廬穴悲泣李方實雙岐煥獨

處之祥二犬供塚居之給夫且焚香祝於上蒼郭紹

鳳哀毀形於骨溫曹子母憂請代諸司屢區以聲

揚張時亨父葬棲墳三孝一門而遞及王居敬居他

若裂爪封堆皇甫世忠承歡順色王尚質炳炳遺模班班

可式惟一木之性天久摯斯萬殊之道誼聿彰義

民則潔身濟物睦族仁鄉游完之捐貲除道公廉

之輸米救荒石公廉或賜其冠帶或旌以牌坊梁

偕李斌標美志厚與士榮齊芳王志厚郝士榮亦聞

補逋歉於貧戶石盤還遺金乎潘囊張存智捨地施墳

馬王澤及枯骨馬仲琥王雲鵬鑿山架木閭俊恩周橋梁

舉紛披之懿範皆盛世之嘉祥夫風化攸端則刑

于自擴節婦有張陳光先劉王之靳信妻辛沛梁

王德素妻賀張計馬吉彥楊生員程郝張吳或青擬於

霜或白比於鶴或苦勵松柏之操或堅持死生之

約或志矢地久天長或貞存山盟海諾或義方訓

子頡頏孟母之三遷或竭力奉親嬈美姜妻之雙



鰥誰不垂青史而照丹文質鬼神以光臺閣又其

盛也三世同轍王氏李林妻其女適生員高賢雙

節並驅賀璠二女一適程子朝一適割耳遵撫孤

之勸田益剪絲合殉葬之符李三戒以及調湯不

倦於繼母任彪妻舐舌復明乎左臚李欽妻繫何

代之無節且實繁其有徒更堪嘉者我

朝閨妙當在室之年嫻幼儀之教愈出愈奇全貞

全孝狄娛待筭守節狄氏字娛貞許聘肇開巾幗

之洪荒賀安未字從亡賀氏貢生崑之女許配創

闕閨門之學校一死一生同情同操真所謂熙代

國華

盛朝星曜百世流芳千秋是傲者也於皇哉披嶂

都之雄勝發山水之奇香物產含英而吐藻人文

擷秀而呈光以此筆之全史傳之四方風俗醇古

府政丕彰豈僅勒名縣誌垂美崑疆已乎

詩

太子崖

唐陶翰

扶蘇秦帝子舉代稱其賢百萬猶在握可爭天下



山縣志 卷八  
權束身就一劔壯志皆棄捐塞下有遺跡千齡人  
共傳蔬蕪盡荒草寂歷空寒煙到此盡垂淚非獨  
我潸然

長城梁

唐王翰

長安少年無遠圖一生惟羨執金吾麒麟殿前拜  
天子走馬爲君効執爨黃沙獵獵吹人面兩軍相  
逢不相見爰聞鍾鼓動地來傳道單于夜猶戰此  
時顧恩寧顧身爲君一行摧萬人壯士揮戈廻白  
日單于濺血汗朱輪歸來飲馬長城窟長城道傍

多白骨問之耆老何代人云是秦王築城卒黃昏  
塞北無人烟兒哭啾啾聲沸天無罪見誅功不賞  
孤魂流落此城邊當昔秦王按劔起諸侯膝行不  
敢視富國強兵二十年築怨聲冤九千里秦王築  
城何太愚天實亡秦民奚辜一朝禍起蕭牆內渭  
水咸陽不復都

蘆板寨口

宋范仲淹

數年風土塞門行說着江山意暫清  
求取罷兵南北去滿樓蒼翠是平生



天涯石鼓

金元好問

九州上游推大鹵獨恨山形頗椎魯天涯一峯今日看快似昂頭出環堵何年氣母此融結鬼鑿神剗來奇古入牕玲瓏透朝日洞穴慘淡似雷雨苔花錦石粲可喜乞與雲烟相媚嫵半空擲下金芙蓉想得飛來自元圃傳聞絕頂更靈異云是清都羣玉府五雲飛步吾未能風袂泠泠已輕舉東州死愛華不注向在陋邦何足數敬亭不著謝宣城斷岸何緣比天姥酒船何時朝復暮倒卷滹沱浣

塵土煥起山靈槌石鼓漢女湘妃出歌舞詩狂他日笑遺山飯顆不妨嘲杜甫

前高山

元好問

蚊聚蛙喧杳不聞已甘麋鹿與同羣胸中所得知多少半是青松半是雲

蟾酥池

元好問

老墓食月飽復吐天公一目頻年瞽下界新增養蟾戶玉府誰憐修月苦郡國蟾池知幾所碧玉清流水仙府小蟾徐行腹如鼓大蟾張頤怒於虎渠



家眉間有黃乳膏梁太子正須汝誰家敢與月復  
讐疾過池頭不容語向來屬私今屬官從今見慕  
當好看颯沙即上青雲端

此君軒

金提舉 毛瑞卿

桂林名姓一枝新萬竹青青德有隣渭上風煙分  
別派山陽詩酒屬閑人心期已到冰霜窟眼界寧  
知花柳塵萱背從今看輝映嫩香新粉四時春

龍泉

明王鑰

劍拔靈泉湧泓深瀦作池雨餘光激灑風過碧連

漪曾濟三軍渴還滋百畝畦鄭公祠宇在猶想肅

兵時

原平驛

明巡撫 潘芳

曉發原平驛紅塵去路長鴈歸沙亂影雲霽野流  
光凍解山回紫春深柳半黃賢勞忠蓋意贏得鬢  
邊霜

五峯晴嵐

明知縣 孫祿

嵐嫩光搖翠輕風草樹生懸山石磴滑荒澗野泉  
清斜日含山遠餘霞映水明四圍仙跡古遙望畫



圖迎

魏鄭國公祠

明知縣 史 漁

煙雲籠古像 陰雨潤蒼苔 遺廟功臣在 龍泉寶劍

開千年流勁氣 三代有遺才 駿業誰能並 臨風酌

一盃

陪陸侯登五峯

明教 張鳳池

勝境無如此 煩襟一到涼 鐸鳴風入社 雲放月生

光 樹色含春意 鐘聲送夕陽 賢侯躬蹕謁 原是布

甘棠

登北臺看觀池

明邑人 李 楠

凌晨具山展盤蹙 日將西地廻天疑 近臺高望不

迷陰崖猶積雪 下界忽生霓 何事潭淵黑 神龍此

丙棲

陽武水利

明教 賈學文

陽武煙村外 靈源混混流 人家分上下 水勢有沉

浮 土沃桑麻盛 溪清景物幽 石城不苦旱 獨此一

汀洲

崑山疊翠

前人



曉出西郊路羣峯列翠屏到來多古跡行處幾幽  
亭樵徑雲中白村田雨後青年年耕獲罷簫鼓荅  
山靈

陽武水利

明訓 段上章 導

武水靈源出冷冷瀉玉清波涵天影動風落浪痕  
平坐石思垂釣臨流咏濯纓潺湲鳴日夜灌漑利  
民生

樓煩城

王 鑰

樓煩曠廢惟荒邱黃沙射目風颼颼東西併陷滿  
荆棘一派寒溪空自流當年全盛城墉固鶯花闕  
市遊人聚繡戶朱甍十萬家家總把繁華度物  
移世換屢更遷狼嗥兔擲景淒然何須感嘆眼前  
事幾番滄海爲桑田

蘆板寨口

史 漁

塞上風急凋萬木塞馬南牧空人屋殺氣北來天  
日淒寒山金鼓聲肅肅百年未見此荼苦嗷嗷夜  
哭滹沱許千萬桑田總戰場百二山河盡赤土古  
今天險稱鴈門鎖鑰重關開軍府孰知今日鴈門



前室家林林皆蕩然長驅鼓角聲獨壯飛鳥哀哀  
悲暮天烽火至今猶未熄如何願見戍人還

烈女崖

李楠

英皇御極七年秋塞馬萬騎入神州千里封疆空  
列陣三關將士幾同仇入夜旄頭映天白愁雲慘  
慘風颼颼磨看橫槊遍雲朔戟劍森森殺氣浮烽  
火傳來人失色攜持婦子避虔劉軍鋒一過萬家  
爨橫尸盈野血成流要家二女俱遭掠頭顱恨不  
卽被斫遙看路側有山崖壁峭千尋勢如削計是

尼難自完區臨崖一躍隕深壑兩心不約自然同  
兩身不辱何爾鱗烈哉二女秉幽正擐甲壯士亦  
錯愕崖因二女始有名永名烈女殊嶽爍吁嗟人  
生有此軀節義綱常乃與俱况復人壽不滿百胡  
爲怖死喪廉隅憶昔漢未有蔡琰豈不推是女中  
姝一朝含羞過青塚空負才華名已污較之投崖  
二烈女何取苟活在伊吾嗤彼尖身辱節者空是  
昂藏一丈夫

開塗驛阻雪

明布 趙廷松



懸泉曲澗遶岩崑薄暮孤村夜寂寥白霧漫空山  
雪重青陽遍地谷風嬌未憐縱酒酣娃館便欲吟  
詩入灞橋聞道玉人連駟去山陰回首憶停橈

同劉僉憲閱崞城工

明巡撫魏允貞

檐帷拳盡見崔嵬旅抱逢秋此暫開一邑萬家當  
隘塞重城百雉俯樓臺橫行誰敢將予侮勿亟何  
期竟子來日暮劉琨聊共嘯登高翻愧大夫才

栢枝山

明知縣陸壽光

峒嶺飛壁頰氤氳怪石深藏萬栢文矯首風煙驅

混合撫膺天地割中分尊前樹裊晴流色檻外鷗  
盤大鹵雲一望壯懷聊此寄酒闌歸路已斜曛

凭牛山

張鳳池

凭牛山下鎖氤氳瑞氣時干北斗文梵磬引風空  
外轉曇花凝雨靜中分危峰倒暎常流澗密樹斜  
飛不斷雲日暮懶將歸騎挽啣盃猶自對餘曛

前題步韻

明訓導郭世祿

山頭鬱鬱起氛氳山下時翻錦繡文松老天風巢  
白鶴樓高霽日鎖紅雲懸泉一派花香滿峭壁干



重木葉分今古乾坤公輩在野人惟此愛殘曛

栢枝山

明訓王鵬昇

攀蘿直上栢枝峯迴合雲煙翠萬重石壁著文虬

影亂珠泉唾錦螭形從虛壇露淨天花落古木風

清谷鳥嚙把酒不知紅日轉興來只欲跨飛龍

崢山疊翠

明邑梁璟

羣峰相望復相連一雨初收景色鮮霧斂晴空青

未了雲浮春野翠無邊連城佳氣通朝靄向水清

光接曙煙自是古今天設險嵯峨永鎮億千年

登五峯

明邑張鼎臣

五峯歷盡更悠然俯首滹沱一望穿峽轉琳宮藏

皎月岑排紫劔插霜天雲根栢坂金麟起磴道泉

飛玉乳懸宿障幾時推得倒常來箕坐嘯寒煙

滴水崖

王鑰

雲崖寒溜瀉重重濺玉跳珠顆顆同可惜無人收

拾得隨風飄泊任西東

題辣

前人

曾將踪跡驗圖經出沒知時信有靈莫訝近來年



不稔一泓深處靜潛形

開望驛阻雪

趙廷松

大邊近報黃塵息老興孤吟白雲詩願得六花深

十丈八方隴畝一時滋

其二

彤雲萬里玉珊珊粉飾乾坤色一般多少車徒滿

行道更無人釣富春山

秦王寨

明邑人

張拱極

吊橋重嶺一荒邱綠草王孫此地遊一代豪華春

已盡黃雲杳杳水空流

凭牛山

李楠

三十年前數往來清漪茂木景幽哉而今霜鬢星

星白猶夢看山坐蘚苔

石神瀑布

明邑人

李其楨

靈品岑寂一泉飛疑是霜紈掛翠微泉上神人誰

巧作年年獨立對斜暉

朝元觀

明邑人

李昌時

靈碑一片豎方壺此內疑含不夜珠皎皎晶光如



月色更深長照煉丹爐

仙洞

明邑人李華時

三月邊關氣尚寒野人猶自怯衣單  
獨憐洞裡春長在知有仙人正煉丹

崢山

明邑人亢其志

百疊蒼屏高插天翻從下界見雲煙  
微茫八表浮元氣較似身遊太古前

其二

石燈盤紆到上方朱樓紺殿轉虛堂  
野人坐此心

偏快又有西來暮雨涼

福壽山

李楠

自是群山第一山群山擁翠水周環  
更奇一竅通

幽窅

山頂有竅撒於內不獨峰巒可解顏  
即自山下水中流出

天涯曉雪

前人

天邊巉削一峯青不與諸山並  
列形白雪滿空峰

獨曉孤標萬古秀滄汀

國朝詩

晚次崢縣

朱彝尊



百戰樓煩地三春尚朔風雪飛寒食後城閉夕陽  
中行役身將老艱難歲不同流離嗟鴈戶生計各  
西東

滹沱河

前人

滹沱河上流漸急騎馬春冰滑可憐百尺浮橋空  
斷板孤城哀角動荒烟愁顏送老饑寒日絕塞因  
人雨雪邊轉憶江鄉多樂事花濃齊放五湖船

崞陽十二壽

晉秦秀郝隆唐郝傑宋陽震金游完胥鼎明劉寅梁璟王貫晉

慧遠元王朴明要二女

賈克明

有美一人兮滹水之湄立晉惠之閭朝兮終蹇謬  
而自持鷹鷂聳翮兮松柏鬱其寒姿議諡訟寃兮  
公論是職介弟求仲兮陰謀是抑身困縲絏兮名  
震異域我懷若人兮邦之直

有美一人兮銅水之陽越晉室之播遷兮爰晦跡  
而遜荒龍潛於淵兮鴻冥冥其高翔日之方中兮  
載坦其腹此君名軒兮永矢弗告以親九族兮風  
穆穆我思若人兮邦之淑  
有美一人兮崞山之麓奮貞觀之景運兮擢東台



而受祿麟遊其趾兮鳳矯矯其翮勿藥有喜兮方  
士不迷二王教讓兮有輯其辭牝鷄無晨兮戒當  
時我懷若人兮邦之儀

有美一人兮陽水之間擁多藏而不殖兮性好施  
而名完嗟爾衆母兮拯危殆而爲安以飽以燠兮  
伊誰之賜如康如莊兮載履平地盧敖千古兮老  
而彌摯我懷若人兮邦之義

有美一人兮靈毓柏枝撫鎮河東兮忠節自持建  
言十二兮樞府名馳摧強兵於方張兮進平章而  
旌伐議阻虎琪之南侵兮存正統於阨隍嗟莘公  
兮材什佰我懷若人兮邦之傑

有美一人兮正陽之魄學有淵源兮斯道自挈洪  
武應運兮兵樞是擢著書進覽兮勵操冰蘖假孫  
吳之小道兮發孔孟之真醇引節制于仁義兮立  
言立功我懷若人兮邦之宗

有美一人兮天涯之儷孝友爲政兮起家進士聲  
並韓雷兮骨鯁自勵批鱗捋髭兮英英其氣守洮  
岷而撫湖川兮吏民輯而寇盜潛藏南部飛聲兮



為棟梁我懷若人兮邦之光

有美一人兮黃嵬之萃勿而失怙兮終貧且窶有

母尸饗兮乃極甘脆居喪送死兮哀毀盡制廬於

墓側兮三歷秋霜感白兔之往來兮烏鵲集而和

鳴我懷若人兮邦之祥

有美一人兮白人之巔晉室肇亂兮廼慕金山臥

石室兮飲龍泉猿聽法兮虎叅禪避石勒之干戈

兮指廬岳而卓錫白蓮為社兮陶陸為益我懷若

人兮邦之釋

有美一人兮南河之濱挂冠於元之貞祐兮願辟

穀而修直虛白為軒兮黃鶴為羣梨花命吟兮仙

洞長春元李造廬兮詩酒之匹樂山樂水兮日復

日我懷若人兮邦之逸

有美雙清兮要氏之女守貞未字兮天桃迨於風

雨玉則磨而不磷兮梅冒冷而香無侶連袂挽臂

兮玉同看肝腦濺石兮點崖丹貞風千古兮興懦

頑我懷若人兮邦之媛

狄婆女

邑人

李徽



至道美乾坤庸行自可久  
 猗與周召南德著王風  
 首處變得其常千秋同不朽  
 于焉女子貞逸出先  
 民右琴瑟本無聲翁姑得孝  
 婦熊羆夢已空鞠育  
 稱慈母節在栢舟前功施麟  
 趾後遙遙三百篇曾  
 見伊人否

遊五峯

邑人 張允中

山遊恍惚畫中行地僻人稀  
 動隱情溪水全從雲  
 外見虬枝半向嶺頭橫  
 逃喧松菊開三徑避世疎  
 狂學四明豈是吾曹甘痼癖  
 素心原不愛浮名

前題

邑人 張 瓚

朝踏五峯雪松濤聲淒切  
 栖鷓鳴澗邊凜凜風颭  
 烈日出已三竿巘前雲自結  
 雲深隱蒼虬霧散豹  
 彩別移屋入山居心遠塵氛絕

溇縣道中

保德 州牧 錢之青

躍馬樓煩道衝寒覽物華  
 水田冰瀉鏡野樹雪飛  
 花巘邑屏三晉連城接萬家  
 管涔勞望想心與白

雲還

管涔山屬舊治寧  
武地與崞邑接壤

大陽張氏諸紳邀游五峯山賦長句以酬



知縣 邵豐錫

樓煩之山皆翠嶽五峯深秀尤傑出我來濫竽兩  
 載餘鹿鹿風塵無暇日諸君招我共登臨撥冗策  
 騎來迅疾羊腸一綫上青冥鳥道紆徐多鬱鬱憑  
 高放眼豁心胷儼然身到神仙窟崇山崩岸列屏  
 障峻嶺嵯峨相輔弼面面嵐光翠欲流森森樹影  
 青初茁峰迴路轉抱琳宮曲磴長廊通禪室合圍  
 古柏不知年剝落殘碑誰能悉山靜渾如太古時  
 境幽真可擬衡泌巖下澄清水一泓不聞乾涸亦

不濫老僧稽首向余言 聖母靈泉世罕匹為霖  
 布澤潤蒼生神功昭赫難備述千秋祈報重明禮  
 肅將祀事無敢失禮罷諸君意轉濃杯盤羅列更  
 親暱縱談快飲俗氣除羸得浮生半日佚酒闌乘  
 興步蹒跚披襟席地欣促膝夕陽催我下層巒林  
 外風來聲蕭瑟君家世德本清芬况復後先煩太  
 乙名山賢主二美兼題詩愧乏凌雲筆勝遊原不  
 尚浮夸濡毫自喜記其實

陪邵侯遊五峯

教諭 王錫九



挂笏搢頤看山色公餘乘興來山嶠五峯排行出  
雲表宅中而治群侯趨虬松古栢青未了各從其  
族分疆隅松栢分株  
移栽不植靈區異境類如此千態萬狀  
開心娛長嘯一聲衆谷響舉觴遞進醉醞酬與君  
直探老龍窟新詩字字鏘明珠

五峯

代州學正劉崑

五峯縹緲勢峻嶒嵐靄晴烟覆幾層澗水觸山光  
似練松根蟠石老如藤眼前活潑惟林鳥物外清  
間是野僧勝地忽聞雲磬响禪堂又覺有傳燈

陪齊邑尊遊五峰勝境

張瓚

五峰古剎碧雲堆簇簇芙蓉四面開風度鐘聲清  
客耳月移松影拂經臺凌空紺殿懸崖出不斷流  
泉繞屋來薄暮憑欄凝睇遠崢陽福曜傍三臺

陪梁侯遊五峯

邑人張克俊

杖策登高處追陪愜勝遊松聲和梵唄石罅迸泉  
流絕頂雲霄近群峰拱抱道上方塵慮滌欲去更  
遲留

雙嶺

邑人馮國琛



雙嶺如龍自蜿蜒奇峰互映入遙天曾看左右嵐  
光接莫辨東西翠色偏行客每驚重度路歸鴉時  
誤舊樓巔吟來却恐難相肖借作同行昆仲肩

栢枝山

前人

爭道仙人種栢奇恍如鬼斧作巖時參天黛色翻  
新影入地銅柯長異枝不見土開根帶古忽驚石  
鼓幹多姿峯頭自昔餘名楹掩映盤廻上下垂

上五峯

知縣 李師琦

策杖攀藤陟五峯參差高下碧雲封巒頭嶺脚皆

陰栢石眼山腰半古松曲澗潺湲喧瀑布深岩蒼  
翠削芙蓉我今覽勝忘歸去隱隱空門起梵鐘

邀邵邑侯暨諸幕僚集范公泉讌遊卽事

工錫九

遺愛清泉絕點埃綠楊深處一樽開敢勞羣鶴啣  
琴至更喜雙鳧擁鳥來野色無邊簷外落王卮滿  
酌掌中猜繁陰且憩甘棠蔭歸騎斜陽莫漫催

樓煩寺

何 鵬

古刹傳東晉探幽路漸開幾層松掛日一片石生



山泉志 卷七  
苔有客逃禪至無僧說法來勝井遺跡在清碧絕  
塵埃

漆郎山洞

邑人

李馴

瞻仰高山愜壯遊西巖半顯翠微樓不緣國士藏  
空谷誰識忠魂鎮宛邱驚馬雄圖渾一夢漆身苦  
志凜千秋于今古栢疎陰裏尚有朝陽闡洞幽  
方高中央下洞在西  
岩日初出光可照之

蓮花山

工錫九

天涯名鍾脉秀蓮臺不染淤泥拔地開辦點雪花

飛柳絮萼留雨漬長莓苔參差翠蓋迎風靜縹緲  
青枝帶月回應是神工巨靈手亭亭獨立萬年栽  
初夏上廻光嶺 邑人 栗極敬

杖策憑高下界寬晴空極目縱遐觀青疇麥浪餘  
新靄白雪梨花動曉寒沱繞邊關流百折山連燕  
晉路千盤雲廻不盡登臨興回首烟波正渺漫

五峯四咏

邑人

張鑄

古栢

百尺修柯挂碧空蛟龍窟穴窸長風不隨凡卉爭



濃郁自有孫枝布鬱葱

殘碑

殘碑剝落未知年聖蹟傳聞元宋前  
蘇鎖斷紋苔覆額老僧常說不能鐫

聖母泉

香泉冽冽沁人心滌出枯腸有限吟

邑侯邵公以詩索和故云

止水一泓千載濫不堪清照到如今

午夜鐘

東西南北與中峯遠近清音入寺鐘  
塵夢不知蕉

鹿幻一聲敲散俗情濃

春日來宣橋登眺

邑人馮適

春來淑氣滿虛空極目郊原悟化工  
兩岸青畦仍

鬱鬱一灣碧水故融融參差野屋開深塢  
高下垂

楊動曉風緩步橋頭遊興遠恍如身世在崆峒

龍尖山

邑人李翹

立馬望龍尖孤高欲插天幽葩垂綠露  
叢栢帶青

烟徑曲隨峯轉泉清抱壁懸此中堪避世  
有願結

茅椽



扶蘇蒙恬死所後人立廟

邑人馮立

神頭分西南相隔十餘里扶蘇與蒙恬此地同賜  
死雄關縈百二長城綿萬里古殿高巍峨直矗層  
巒起松栢鬱蒼蒼流泉清澈底宮門盤磴登厥中  
衣冠偉貌像尚如生烈烈忠義鬼春秋荐馨香千  
年昭禋祀爲問斯高輩餘魂何依倚

福壽山溫泉

夏洪甸

石罅流泉一徑斜野人冬月足漚麻若將移置驪  
山下便得揚名四海誇

龍尖山

邑人劉燦光

岩巖天際對無尊雄冠同川八十村山峻無雲迷  
白晝林深有日亦黃昏虬松鳩栢爲臣僕虎嶺馬  
鞍作子孫比似鴈門猶隔脉鴈來此處早尋門

元岡道中有感

錢之青

峭壁懸崖百折幽泉聲不斷夾飛流風塵僻取樓  
煩道冰雪寒通古武州數載關山嗟夏鹿一心烟  
水狎盟鷗最憐景物當年是醉倒黃墟邈舊遊  
夜行崞西上陽武道中  
前人



山果志 卷一  
月夜復雪夜山程兼水程不知烟霧裏何處亂流  
聲策馬鳴鈴急披荆照火明霄征雖跋涉幽僻亦  
移情

原平道中

洋門 顧贊

處處巉巖策馬行坦坦履道是原平人家烟火聞  
鷄唱客店風霜聽鶴鳴沽水東流千里隔崞山西  
望數峯橫我來晉北雄心壯雲樹蒼茫夾道迎

題狄貞女奇節編

鄆陽 周銘詒

石城貞女狄其姓未嫁守貞節何勁輜輶禮迎未

亡人獨申婦禮駭聞聽哀麻髮首拜舅姑血淚交  
頤如泉逆夫既有婦婦立孤雪霜皎潔凝雙鬢慈  
孝固緣好讀書俠烈還應出天性廉頑立懦如夷  
齊紫綸彤管交輝映

縣志落成

簡城 王嘉言

石城自古號綿長壤接代忻攄此疆雲出五臺橫  
里舍氣來寧武惹村庄崞山聳峙紅樓外滹水湍  
洄青甸旁八景奇異呈妙道數都繡錯結連鄉民  
風好嗇今猶昔士習攻書苦有香土廣職思惟稼



山縣志 卷一  
三  
穡力勤婦子亦匆忙獨雄峪寨才愈健雙落巔崖  
節更臧濟困常輕斛斗粟扶危願解鎗蚨囊投棺  
痛別仍相偶廬墓追亡如在堂虛白名軒定出入  
晴秋晒腹傲衣裳久經絕筆一時羨初著新編千  
載芳欣得吏情孚虎渡陬隅處處誦循良

淳縣志卷之八

列女傳

元

馬氏吉彥亨妻彥亨早卒有勸以他適者氏以死  
自誓守節終身至順三年詔旌其門

張氏譚君澤妻君澤卒氏不再適事始以孝教子  
以義詔旌其門

辛氏汴梁路總管王德素妻德素居汴卒氏年少  
三女皆在室子九齡甫六歲氏躬自教育得底



於成使扶父視還葬有司以聞詔旌其門

明

靳氏譚子信妻夫亡氏年少子甫三歲誓守婦節

事姑甚孝洪武七年詔旌其門

要氏二女父名聚剛正統間突遭兵燹二女並見

掠行至山谷間將欲污之二女給之曰吾家離

此不遠有金帛在可速攜來母失吾坐此相候

也乃捨馳去二女乃投崖死後人有詩挽之云

萬丈顛崖萬丈節一番題說一番新遂名其地

為烈女崖

賀氏仁彪妻彪亡氏年甫十九有遺腹彪之繼母

欲改嫁之氏流涕誓死姑疾事湯藥無倦意及

姑卒鬻產營葬撫子任惠後以儒業授官壽八

十而終嘉靖二十四年詔旌其門

趙氏李欽妻年二十夫亡誓守弗二織紵為生姑

兩目失明氏祝天日以舌舐之左目復明人稱

節孝焉

王氏李林妻年十八夫亡一女甫歲氏堅志守節



或勸適人誓不從女長適生員高賢賢亦早卒  
勵志如母賢有女適秦養民養民亦早卒女守  
節年七十而終時人稱王氏李氏高氏三世苦  
節如一轍云

田氏御史益之女少以孝聞割股愈父疾適義官  
石錦錦卒遺孤甚幼氏欲以死殉喪益以撫孤  
勸之乃割耳以殉墓苦節教子年七十而終

李氏武本妻夫亡家貧子幼氏願以死殉家人防  
之後稍懈遂縊死於夫柩側有司賻財表門

皇甫氏蘇柰妻柰卒營墓氏謂匠曰須令穴可容  
二人家人驚駭防之後稍懈遂縊死與夫同葬  
焉

李氏苑馬卿瓚之女適生員石懷寶方三月而懷  
寶病生侍一年憔悴殊甚及卒誓不再醮婦道  
甚飭終身不聞歡笑聲年八十而終

常氏王綉妻年二十夫亡氏誓死守節孀居五十  
餘年上司以貞節表揚

賀氏程子朝妻知縣賀璠之女年十五歲適子朝



子朝卒氏年十八欲自盡以同葬鄉人勸有翁  
姑在且有遺娠氏乃止後生子名儉事母至孝  
母病割股嘗糞人以節母孝子並稱璠次女適  
王維垣垣早卒女亦勵志守節一如其姊

李楠子昌時邑增廣生娶王氏大保文端公女萬  
曆四十七年七月十七日昌時病亡氏期以身  
殉急思自盡家人防之乃絕粒不食越五日死  
於昌時柩側臺使歷獎其烈崇禎末方會疏請  
旌命未下遭國變聞者追悼焉

張氏陳光先妻年二十一光先忽慕導引之術出  
家學道臨別囑氏曰我行矣子年少家無以爲  
養其他適氏曰不能挽君之行侍巾櫛以終身  
命也而更辱身以貽君羞乎乃披髮以水灌頭  
示無改志光先旣去始猶幸其歸也閱數年光  
先竟不歸或有勸以改嫁者氏大慟曰我無夫  
何以生爲水漿不入口縣令尹際可聞之親至  
其家勸之食不聽七日而死上其事於巡按具  
題勅旌并爲立祠



李氏弓子仁妻年十八歸子仁三月而夫亡有遺腹或欲奪而嫁之氏曰天不絕弓嗣得生男固福也我何以再污於人乃侍舅姑以死自誓既生男國寶撫之成立處內外以恩終身不聞叱咤聲孀居五十餘年競稱完節

張氏大學生張琴女適生員郝良田夫早卒氏年二十誓不他適撫養二孤長子桂芳登庚午經魁官府通判氏七十八歲壽終按院累致旌表楊茂劉庄村農也生三女長小計兒次小舍兒次

小乞兒並淑婉茂家貧有富豪呂廷要募計兒色美欲置爲側室茂已受其財計兒哭告父不願爲人妾父曰呂勢赫奕不敢背約也計兒乃自縊臨死謂二妹曰父旣挾制於呂必於女二人抵之二妹曰姊不受辱而妹獨甘之乎亦相繼縊死事聞直指題旌三烈於其門

褚氏生員賀賢妻賢卒氏有遺娠誓不他適後生子繼學撫育成人壽七十而終當道表勵其門郝氏張昊妻昊早卒氏年十九生子文光教以讀



書壽六十而終上司旌表其門

楊氏天植女適生員程可久久早卒氏年二十一有遺娠誓不他適事姑孝謹撫孤三元成立治家勤勞萬歷三十一年朝廷舉節旌表其門

靳氏李三戒妻夫亡斷髮守節屢蒙旌表享年八十三歲

亢氏劉思漢妻年十九生子甫半歲思漢病亡氏剪髮入棺以示死節撫孤成立年七十餘持身瑩潔有司旌表其門

賀氏在城都賀昌女年十八適北庄都張計生一女方一歲夫疾篤氏與訣曰君死翁必不容我守節或暗賣強娶我亦難自主也次日夫死氏卽自縊家人聞幼女哭聲乃覺焉遠近哀之

劉氏王桐之妻夫早故氏二十三歲子喬林方五歲家貧甚荼苦萬狀堅志守節喬林又早故所遺二子氏撫孫如子俱成立云

生員寇良政妻張氏性純孝崇正七年兵破崞誓不受辱携女投井死詔旌其門云作配儒門能



山果元  
識大義貞操天地爲昭烈節日月爭光

張蘭北庄都人妻王氏卒生子時亨未週歲繼娶施氏鞠養時亨曲盡慈愛後氏生子時泰與時亨俱患痘疹氏焚香祝天願傷已子而存前子作王氏後二子並痊凡衣服飲食獨厚時亨且藏食不使已子知慈愛始終如一亨事之亦甚孝初不知爲繼母也時人以母賢子孝稱

生員張桂南賈村人崇正乙亥流寇大至桂被執將殺之妻祁氏聞之號呼奔救至前曰吾夫上有父母夫死誰爲養者寧殺吾而貸吾夫賊欲得氏乃釋桂而挈氏以行走十數里欲覓自盡限於縲紲不得遂且行且泣賊問其故氏曰我念舅姑并念我夫不置也賊笑曰我卽汝夫何以除民患豈肯辱身以偷生耶賊曰汝胡不畏死氏曰我甘死如飴何惧焉罵不絕口賊恚甚鬻殺之

國朝



貞女狄氏陽武村從周女張夢麟聘爲室麟未及  
娶而死女聞訃欲奔喪父母難之女曰是不欲  
吾生也矢志不可奪遂往焉卒哭後卽恭執婦  
道翁姑得婦如得孝子喜出望外因取族人二  
子啟緒佑緒爲之嗣奉養翁姑生事死葬無不  
盡禮督教二子相繼入泮學使者上其事於朝  
以旌之

馬氏李養兆妻兆義勇性成氣節自負國初從伯  
父旦時討賊死難氏方二十四歲遺孤布春生

未彌月翁姑在堂迫以宗祀絕續爲慟氏抗志  
守節以仰事俯恤爲已任翁晚年病日頗遭外  
侮氏一力支持備極荼苦孀居六十年兒孫滿  
前家政雍睦嘗謂布春日汝父死賊之日汝祖  
慟以不嗣肝膈欲出幸而宗祀有歸四世同爨  
內外無有間言今而後吾庶可見乃祖乃父於  
地下也康熙四十九年壽八十六以完節終  
貞女賀氏者陽武村廩生崑之女許字郝琪琪臨  
娶墜崖死女聞之色蹙甚父母憐慰之女不答



山縣志 卷八  
日與其婢安姓女密謀欲殉之安亦素事貞女  
曉節義者愆恩彌切忽一夜兩人相對各投縵  
貞女殉夫安殉其主焉邑人以其事請于官得  
詔旌云

楊氏舉人麟定女庠生李堡妻也堡患病劇甚度  
不能復起氏年甫二十三與堡訣曰君死吾安  
能獨生但吾方娠天不絕李祀得生男便可相  
從地下不願稱未亡人也堡卒氏哀痛欲絕閱  
三月果產男名復根氏曰吾事畢矣彌月家人

方具湯餅會氏乘間自縊於侄靈前知縣劉澤  
民表以凌霜奇節四大字

劉氏農人常養信妻二十五歲而寡事舅姑最孝  
勤苦守節終身不渝百有四歲號爲貞壽乾隆  
元年 題旌其門給賞緞帛

劉氏張翔妻翔亡氏年二十五歲矢志守節孝事  
翁姑委曲承顏未嘗少形憂悴以傷二人心撫  
幼孤督誨不少恕每誡二子曰汝父旣亡吾負  
教子之責必得成立乃可見汝父地下也二子



益奮勉天爵仕密雲丞天德候銓州同知並致  
顯揚乾隆二年詔旌節孝

安氏張宏運妻也三十七歲而寡糟糠自咽終身  
守節乾隆二年詔表其門

張翽大陽都人寄籍代州妻畢氏妾孟氏並幼歸  
翽翽病卒畢年二十九孟方二十一歲也矢志  
守貞兩心相印終歲未嘗一出外室奉事舅姑  
曲盡孝道畢有孤曰天畀撫之成立名列仕版  
孟以娣姒且無子勵節不移里黨尤豔稱之乾

隆二年 詔樹坊以旌雙節

張氏楊廷璧之妻二十四歲而寡事舅姑撫幼兒  
茹苦自甘矢志不變乾隆二年旌表

孟氏上封村庠生蘇生蘭妻年十九而寡孝事舅  
姑撫幼孤復榮延師教課得以遊庠氏終身以  
禮自持家富而甘樸素宜家有範四世同居遠  
近賢之乾隆二年旌表

李氏張昭妻也二十八歲而寡事親撫子守節終  
身乾隆二年 題旌



邢氏田助公妻二十四歲夫亡孀居守節乾隆二  
年奉旌

楊氏田朝佐妻也二十五歲而寡矢志居貞歷久  
不變乾隆三年旌表

馮氏者廩生楊春先妻也春先亡氏年二十七矢  
志守節事親撫孤備極艱苦里黨重之乾隆三  
年旌表

楊照林農人也妹二女子秉性貞潔年十四有惡  
少閭正英伺女母趙外出突入二女子室欲污

之二女大聲呼母正英恐人覺扼二女子吭死  
之事聞於官寘閔於法乾隆四年題旌

楊氏代州民沃若女歸郟珠爲繼室年甫十七婚  
七閱月而珠病亡珠先娶周氏女生子鳴玉方  
四齡氏撫愛甚至鳴玉亦忘其失母痛也父以  
氏年甚少命改嫁氏嚴辭觸父怒不敢歸覲一  
日忽二嫗至氏所素昧平生嫗因道媒妁意實  
父所使氏叱去之苦守十一年復有二嫗突至  
具言其父已受武舉劉某聘卽日來娶備誇劉



豪富狀氏泣曰吾所以不卽死者爲此藐孤也  
今鳴玉年已十六知讀書吾死可無憾若再貪  
生必不免也乃密投繯焉乾隆五年題旌

艾采銀妻蘭氏負性貞烈一日采銀外出同院樊  
金良子瞰氏獨立於門捏詞尋覓失物往氏室  
氏隨以入樊挑之氏含羞不語樊疑爲心許遽  
拽氏衣氏力掙絕裾憤甚厲聲讓責之隨手取  
菜刀擲樊不中樊驚逸出比采銀還氏泣告至  
晚縊死樊馬廐中有司捕樊寘諸法乾隆五年

詔旌貞烈云

郭氏二十三歲夫索應國病亡氏立志守節事翁  
姑以孝教孤子愆一執禮法名列膠庠遇歲饑  
出粟周濟鄉人乾隆六年旌表

張氏廩生李祖堯妻年二十二祖堯亡氏謹事舅  
姑撫幼孤鶴延師督課中辛酉科副榜人以爲  
節母之報乾隆七年題旌

吳氏候銓千總要拯妻也拯亡氏年二十四矢志  
守節生子曰珩教養兼至早年入泮娶妻黃氏



曰珩旋亡黃氏年二十二歲痛姑孀居守貞孝  
養稱雙節焉乾隆七年旌表

李大德女聚聚許字賈氏子賈未婚而亡聚聚年  
甚少守貞在室誓不他適父母不能強之佃奴  
王所貴素慕聚聚色久蓄不良謂弱質固在掌  
握中也乘大德夫婦偶出踰後垣至聚聚所欲  
私焉聚聚忿甚大罵之聲厲所貴恐脅以刃聚  
聚死之所貴徧體濺血自知不免急以刃自刺  
其腹腸裂於地而死乾隆七年詔以貞烈表其

門

莊氏女順娃負性貞潔隣人惡少張振林以言調  
之順娃義不受辱羞忿自縊乾隆十六年題旌



僑寓

唐雍陶嘗往來於崞有題天涯山詩句云十年馬  
足行多少兩渡天涯地角來

唐陶翰禮部員外郎嘗遊崞有題太子崖詩

金元好問字裕之秀容人嘗寓崞與王朴遊佳山  
麗水多所題咏

明間仲字宇定甫代州人寓居王董嘉靖初由舉  
人知華陰縣清廉明斷擢戶部主事以忤大學  
士張孚敬謫寧海州同知甚著政績終以剛直



山縣志 卷八  
觸權貴遂致仕歸足跡不一至城市有司不知  
其名清修偉節老而彌篤論者比之劉元城鐵  
漢

仙釋

晉

慧遠茹岳賈氏子性好釋有戒行削髮本縣樓煩  
寺修行於白仁岩闢石爲室環堵爲扃嘗說法  
於臺鳥獸諦聽後遊廬阜結精舍水遠不可汲  
乃以錫杖扣地清溪湧出後成一溪卽虎溪也  
送客過溪橋虎輒鳴號故嘗不過及送陶元亮  
陸修靜不覺過溪三人因大笑昔人遊南庵有  
詩云若問遠公歸何處獨持隻履上西番後太



山縣志 卷八  
僕寺卿曹亦有詩云春盡花猶在山深寺更幽  
遠公修養地爲愛故來遊

隋

王梵志籍燕之河間性耽方外妹六人守貞不字  
事親並至孝大業中負其父骸骨偕諸妹至同  
川卜葬焉旣葬兄妹七人廬於墓側忽一日並  
坐化於栢樹下鄉人各爲立墓卽名其地爲栢  
塔

金

王朴字淳甫遼東廣寧人貞祐初以行省員外郎  
督餉至崞因家焉乃創道觀於州西北隅扁其  
軒曰虛白辟穀修真常自賦曰秋窻黃葉落是  
我入窩時待我出窩日梨花雪滿池一時士夫  
如遺山元文正公內翰李封龍輩皆造其廬推  
重之語見元文正公山行紀

彭舜安字國寶世業醫頗知儒書自號西林翁卒  
葬壓師坡下後六日於原子頭與里人程海南  
申村李成相揖而去後某有疾素聞其名召治



之遇諸塗旣愈辭歸遣使賚其家乃知沒已數年矣自後見者不一鄉人知其爲仙立廟刻石

隱逸

元王德素朴之子也性忠孝有智畧大叅楊公辟爲幕官未久稱疾去寓汴中路交薦除汴梁路雜造總管不就惟以適志爲尚號希元居士子九齡痛父卒誓不就仕事叔父定襄縣令德柔尤謹辟爲夔河令不就又辟爲榆次不踰月而解組時人嘉其尙志



穎異人慕其尚志

少時孤貧何合不取又與蘇林尤不似

少時孤貧何合不取又與蘇林尤不似

少時孤貧何合不取又與蘇林尤不似

少時孤貧何合不取又與蘇林尤不似

少時孤貧何合不取又與蘇林尤不似

少時孤貧何合不取又與蘇林尤不似

文學

李翹生字挺之陝西巡撫楠曾孫幼聰敏有奇童

之日年十四遊庠二十五食廩餼早失怙家貧

惟以舌耕之獲奉寡母撫弱弟備致孝友博極

羣書經經緯史泛濫乎百家出入乎二代從遊

日衆門下掇巍科列高第者多百數十人而翹

生試輒冠軍十上秋闈不售竟以明經終生平

著作極多詩古文辭悉臻工妙每一篇出遠近

流行常攜稿以去遂致散佚年六十七病卒從



子徽表其墓云先生之學以篤實爲本以孝弟爲先以居敬爲恒以自得爲要出其緒餘足以羽儀一世而坎坷畢生崎嶇萬狀此可以得其大槩矣

賈克明大吉都人康熙丁丑拔貢己卯亞魁教授生徒專務根柢之學崢士多造就焉年四十未仕卒著西巖詩集行世孫太史致彌序之云中  
正和平不失風人之旨而清逸淡遠恍然在幽壑松風空谷蘭露間

蘭爾潛居白石村閉戶讀書手不釋卷少工舉子業急欲以文章顯乃入爲國學生赴棘闈屢試不售論者惜之晚年益肆力於古詩文雜著無不精巧而尤長于賦體崢縣一篇該洽華瞻人仿之高文典冊云子嶙雍正甲寅選拔甚有時名

馮夢槐字兆公明經國琛子也性機警嗜學博極羣書旁及百家藝術工書畫人得其片紙寸縑輒奉爲墨寶雍正癸卯以選拔入廷試名動京



師公卿爭禮致之旋以親老歸省卯辰間  
 舉宏詞科有司以夢槐薦辭不就夢槐生平豪  
 宕自喜不屑小節有晉人風致學藝冠絕一時  
 嘗刻行鞍草詩冊及清遠齋文集課士錄等稿  
 藏於家子二適立並有聲庠序間能世其學

義行

金

游完大定初歲荒完日賑贍三百餘口冬給窮民  
 衣襖五百套常出貲平治道路二百五十里北  
 至大和嶺南至石嶺關又築來宣普濟二橋功  
 費鉅萬及其老也以仁愛勸勵子孫人共號為

義門

明

梁洪崇仁都人正統六年大饑輸粟一千二百石



以助賑詔旌表立坊

張鑑神原都人正統六年歲飢鑑出穀一千五十石助賑有司上其事詔賜旌獎給羊酒免差役表爲義民

石公廉左廂都人修石橋及蒙恬祠并坊天順二年歲荒輸米四百石以賑窮民詔授七品散官立石表其門

李斌庫狄都人王志厚王就都人郝士榮貴茹都人天順二年大饑三人各輸粟四百石賑濟窮民存活甚衆有司以聞詔爲斌立義民坊授七品散官志厚士榮如例以旌

武士榮大莫村人天順六年大饑輸米五百石賑濟詔立石表門

楊資捐金三百兩完官賦得與旌典又石盤代償民逋張存智還金輸賑閭俊鑿山架橋俱有義聲

賀桂在城都人庠生萬歷三十七年歲飢有司諭令士民出粟救荒桂與王文炳何耀龍李迎春



李蘭香李天資劉應臺共相樂輸各捐穀或百石或五十石以賑存活甚衆撫按奏聞命給儒官冠帶尙義匾額以示獎云

賀海晏桂子貢生本縣丞某寄一木櫃於其家後丞卒遇兵變櫃中物盡失晏於櫃底檢得白金一百五十兩白之官俟丞子至悉還之邑人咸重其義

李可久庫興都人天啟年歲貢任孝義訓導士服其教無忝厥職後告歸嘗樂施予於本城玉皇廟東西關關帝廟城隍廟岱山廟白衣庵各施地五畝又修葺玉皇煖閣施大林村丁字路好善不倦鄉里重之

張維裕存智孫崇禎七年兵難裕於陽和郡覓車百輛護載被掠婦女盡歸其家有司以爲善最樂可與爲善匾旌之

王納誨城關右都人崇禎末由拔貢任浙江衢州府推官甫到任有吏書金瑞成獻前官鄧某遺金二千餘兩納誨佯受密遣人召鄧之子至悉



還之讞斷刑獄以明允稱

國朝

張琳弟子員寧武賊起攻大陽堡琳率衆禦之殺賊三人既而賊大至力戰爲賊殺 詔旌其門

李旦時杲子楠胞姪貢生順治六年姜逆作亂其僞將統衆萬餘由應州入將寇定襄道出同川肆掠旦時團練鄉勇禦之預治一棺示必死賊至力戰不支被擒僞將勸之降怒罵不屈遂遇害子生員含玉姪養兆俱從見父叔被殺誓滅

賊報仇同日死難 詔旌其門

楊名聲三泉人生而有膽力嘗以氣節自任國初土寇肆掠秋榆等村被禍尤酷知縣范印心率鄉勇壯丁往勦之名聲翼輔其間設帳計謀方夜半羣賊突入帳欲得范公甘心焉名聲滅燭以脫范公而奮身拒賊賊以名聲爲范公遂變殺之范公痛之甚書志士仁人四大字懸其門又勒石以誌哀感推爲仁義智勇云

張宗夔神原都人性勇敢兼善謀畧鼎革之初流



寇爲害四出劫掠臺使以宗夔爲義民千總委鎮一方宗夔悉力捍衛設法勦除翦滅盜魁郭來山信三魁等餘黨漸平由是鄉民安堵

張珣大陽里庠生學使舉德優順治初土寇四起有興嵐婦女數十被掠到崞珣候賊他出悉收養之庵中日給薪米訪得其家盡歸之子夢龍幼秉父教樂善好施糾衆建白彪村關帝廟茶亭及陽武河車橋又置膏地六十畝爲修橋永利之資每歲晚施布四疋以給橋夫歷今百年子孫繼志施捨不輟云

張宗舜神原都武生膽力絕人兼擅謀畧順治元年東山土寇聚衆千餘時出劫掠盤踞險隘官兵莫敢深入知縣路萬化素悉宗舜才命往勦之宗舜率領鄉兵直搗賊巢姚采姚華者渠魁也負勇善戰合力拒宗舜宗舜善舞雙刀矢石不能及揮采落馬斬之華急下收其屍宗舜從後襲擒之餘賊盡降萬化上其功於宣大制府特授守備職銜給劄付



李志為邑諸生特擅智勇習韜畧鼎革初闖逆追  
奔賊黨解散多竄匿全晉山谷復為民害宣大  
總制吳公深知志有武畧授以守備劄付命為  
參謀凡防禦征勦皆其贊畫餘孽悉平

楊桐永興都人康熙四年歲飢桐捐銀一百兩賑  
貧學憲以行優嘉之

栗秀光字獻玉大南土都人秀蕃弟父尚誠早卒  
秀光事母及祖父母至孝祖常倚之為杖左右  
不偶離性耿直敦尚氣誼不避利害三人某有

被盜誣者嘗傾產代白之生平扶危濟困排難  
解紛閭黨高其義諸孫曰極致者最長為邑諸  
生砥行績學教育群弟並成名咸以為先德之  
報云

馮國琛康熙丁亥歲貢生戊子奉 恩詔改作恩  
貢家貧而好施予常捨棺以濟人之不能殮者  
歲終則出米炭以周里中貧乏其先人多貸人  
以財至是不能償國琛悉焚其券尤篤一本之  
愛子性皆已析居凡婚姻喪葬之需必竭力資



助不少惜且出已產分給之而代完其國課  
每告鄉人曰爲善最樂愧我有志未逮也年八  
十九推老成典型邑令舉鄉飲禮延爲大賓

孝友

元

王居敬居智居信事父德順承顏養志曲致親歡  
比父卒塋三子並廬墓側時人稱爲三孝

皇甫世忠性至純孝居母尉氏喪廬墓盡哀自禰  
祖而下封墓高一丈六尺餘皆自爲築手爪血  
裂州牧表當旌會白上未復而世忠卒士民悲  
悼之

明



曹子溫事母至孝母終哀毀骨立既葬廬於墓側  
三年以純孝稱

李珩字廷珮崇仁都人欽子嘉靖年由選貢任廣  
東湖州府經歷母氏趙苦節四十年珩奉母訓  
之官一秉清慎旋以終養懇歸生事死葬遠近  
並以孝稱

王貫事嫠母張至孝母卒哀毀廬墓有白兔烏鴉  
之祥同時弓一中亦以廬墓稱孝

王猷邑庠生母聶氏故廬於墓鑿池爲穴獨處三  
年父卒亦如之孝行著聞有司旌其門

張時亨邑庠生母王氏卒事繼母施氏以孝稱施  
疾時亨輒禱願以身代撫異母弟時忝友愛倍  
至得成立焉

賀多壽愈之子父母相繼沒廬墓數載餼粥飲水  
感有白兔往來青苗雙穗之應鄉人咸以爲誠  
孝所致

郭紹鳳神原都人年二歲母卒父登高繼娶楊氏  
撫養十餘歲鳳稟性仁孝事父與繼母承顏順



志父病篤飲食不進紹鳳焚香祝天曰父幾日  
不飯我拜香幾日亦不飯拜至三日父病果痊  
父年八十紹鳳年已五十孺慕愈切比父卒竭  
力營葬手造墳臺廬於墓三年無異瞻衣膝下  
焉

李方實庫狄都人事親孝父病卒哀毀骨立竭力  
營喪葬具卽墳掘地爲穴獨居三年養一犬爲  
伴使往來家中負運米薪之類身未嘗一至家  
也人皆以孝稱焉

王尚質南鄉居民也父早卒母孟氏家貧甚質已  
厭糟糠事母曲盡孝養凡飲食菜果新物母所  
欲必購以進母病篤晝夜號呼告天如嬰兒然  
母病果愈事兄恭謹倍至處鄉人恂恂如也雖  
五尺之童皆知爲王孝子

張興天啟年選貢性肫孝父養浩贈承德郎常患  
癱瘓臥床累年興侍奉朝夕未嘗解帶父病劇  
爲嘗糞禱籲不輟願以身代比父沒哀毀廬墓  
事母樊極盡愛慕撫諸弱弟尤致友于一時士



大夫咸詩歌贈之以頌其孝彙刻孝行紀流播  
遠近

李勗時貢生杲季子也天性孝友兼多智畧方臺  
山賊嘯聚所向無完村先是仲兄旦時死姜逆  
兵難母慟甚勗時委婉慰順撫愛孤姪外嚴守  
禦之策時姜逆雖平餘黨漏網復合賊夥昔之  
殺旦時者二人在焉勗時計擒之馘以祭兄靈  
羣賊望風而靡不敢復至諸村倚勗時爲保障  
一方後仕陵川訓導甚著教澤

張誌雍正甲辰武舉事孀母色養備至常侍母病  
衣不解帶者累月至廢飲食比母歿喪葬盡禮  
廬於墓側往來必時聞哭泣聲墓前枯樹忽榮  
有孤鳥集其上人謂孝感所致乾隆八年 詔  
以純孝旌其門







克卒無嗣妻請以外孫孫秀以悖禮溺情  
亂倫拒之乃止帝有貴名爲荀勗輩所  
間以爲大司馬都督命太常議禮秀曰古  
禮三公坐而論道不問以方任嬰之帝大怒下  
廷尉除名卒祀鄉賢

郝隆字仕治處士少博學無書不讀七月七日見  
富家曝曬衣服乃出日中仰臥人問其故曰曬  
腹中書耳與族人世福累世同爨詔表其門辟  
爲參軍崇祀鄉賢

北魏

張黎原平人善書記北魏時以忠直重於朝賜爵  
廣平公世祖任以輔弼軍國大計黎常與焉鎮  
長安清約公平恭宗初摠百揆與崔浩等輔政  
有老成之勤吳王余立以爲太尉後以議不合  
見誅

段乾雁門原平人爲慕容垂廣武令魏太祖畧地  
至雁門乾率鄉部歸化子霸幼被宮以謹敏見  
知遷中常侍定州刺史張渾屯告霸濁貨世祖



怒免爲庶人

爾朱羽健爲領人酋長率健將武士從平晉陽定中山拜散騎常侍居北秀容川詔割方三百里封之長爲世業

爾朱榮潔白美容貌幼而神機明決及長好射獵每設圍誓衆爲軍陣之法號令嚴肅正光中四方兵起遂收畜牧招合義勇以討賊功進封博陵郡公卒葬秀容川卽今銅川也

已上三傳舊志無採魏書補

唐

郝傑字處俊隆之裔也舉貞觀進士歷官外任高麗叛詔副李勣爲總管賊遽至傑據卧床安冷密簡精銳擊之賊遁去高宗朝擢東臺侍郎方士盧伽逸以不死藥進帝將餌之傑以脩短有命非藥可能延諫帝乃止帝嘗分音樂爲東西朋使雍王周王角勝爲樂傑曰二王春秋尙少志趣未定當推梨讓棗相親如一今分二朋遙相誇競非所以崇禮義勸敦睦也帝乃止帝苦



此縣志 卷八  
風眩議使武后攝政傑曰天子理外后理內天  
之道也陛下奈何以高祖太宗之天下不傳之  
子孫而傳之天后乎帝深善其言嘗書飛白賜  
傑曰飛九霄假六翮人稱爲六翮相公

後五代

安彥威字國俊少以軍卒隸唐明宗麾下善射知  
兵法明宗鎮天平彥威爲牙將以謹厚見信明  
宗入立歷遷捧聖指揮使領寧國節度使晉高  
祖卽位拜北京留守徙鎮歸德河決滑州彥威

出私錢募民治堤遭歲饑悉力賑撫出帝時將  
用兵拜北面行營副都統悉以家財佐軍以疾  
卒於京彥威與安太妃同宗出帝事以爲舅彥  
威未嘗與人言及卒太妃臨哭始知其爲同宗  
也時益稱其慎重祀鄉賢

郝勝字世剛隆之後氣槩勝人仕晉爲管軍戶懸  
帶銀符

宋

楊宗閔建炎中爲永興軍副總管金人破城死之



諡忠介祀鄉賢

楊震宗閔子從折可從討方臘有功還遷知麟州  
建寧寨靖康初夏人圍建寧震率士與戰矢盡  
力乏與子居中執中死之諡恭毅祀鄉賢

楊沂中震子靖康元年從康士八衛初李成叛沂  
中爲張俊都統制曰彼衆我寡當以奇勝俊從  
其策大破賊衆遂復江州追擊成大敗之命典  
提舉宿衛親兵不滿二千嘆曰勾陳天仗卑弱  
乃爾於是招丁壯營牧圍軍聲大振六年逆豫

入寇沂中遣吳錫率勁兵五千突入劉猊軍繼  
以大兵乘之賊大敗猊以首抵李諤曰適見髯  
將軍銳不可當果揚殿前也遂遁去累遣淮北  
宣撫使十一年克復廬州奉詔班師加開府儀  
同三司賜名存中尋進少師班樞密院上三十  
一年逆亮入寇以存中爲御營宿衛使未幾亮  
死高宗嘗曰存中忠無與二朕之郭子儀也孝  
宗嗣位以舊臣尤禮異之呼郡王而不名所居  
建閣以藏御書帝爲題曰風雲慶會之閣隆興



二年都督江淮軍馬尋詔還加寧遠昭慶節度使乾道二年卒贈和王謚武恭祀鄉賢存中世以忠孝名家永興之難大母劉流落隴蜀存中日夜禱祀訪問間關數千里卒迎以歸子傑工部侍郎倓僉書樞密院事並負時名

金

王特起好學博論尤長於詞賦泰和中進士爲真定錄事參軍有惠政民立碑頌其遺愛改沁源令祀鄉賢

楊思義年十四登第授文水簿調孟縣簿政績顯著陞太谷令

胥鼎字和之由進士知平陽府兼河東南兵馬都總管蒙古兵渡潼關鼎遣將將兵趨陝而自以精兵援汴金主嘉其忠拜尙書左丞陳利害十一二事多見採用尋敗蒙古於平陽進平章政事封莘國公

武伯英少舉進士以詩名嘗賦剪燭刀有啼殘瘦玉蘭心吐蹴落春紅燕尾香之句甚爲時輩所



稱仕爲觀州倅貯書有萬卷樓

元

張仲琮生而有勇力遂習武畧技藝絕倫金末天下喪亂期以功烈自顯乃與弟仲寬並克行伍隨元世宗討金屢立戰功二人初授千戶職金人削平仲琮累官都督招討南征哈番仲寬官至都統兄弟並爲開國名將

張居敬仲琮子隨父戎行料敵多奇中設策水陸並進遂以滅金功居第一歷授秦南征行總管

國家倚爲柱石至元二十一年以病卒於官太祖追悼之遣中使護其喪而歸諭祭葬命其子天勝爲行軍總管階武德將軍大德十年天勝亡朝廷念兩世功臣特賜子孫襲廕酌庸之典榮耀當時

一二傳舊志無採元史叅家傳補

皇甫德丰采奇偉木華黎器之延諮時務德議論英發因拜信威將軍本州觀察判官行元帥府事扇人風鋤強梗興學校勸農桑時以良牧稱



山縣志 卷六  
祀鄉賢

趙惟賢字如魯博學能文由國子生授孔顏孟三氏學教授陞平遙令仕至太常禮儀院奉禮郎所著有春秋集傳刑統賦解秋江文集諸書

劉好德自幼聰明德學昭著仕爲高平尹兼勸農事縣久凋殘民多流移好德悉心整飭之撫安復業興學育才士風丕變卒祀鄉賢

王克義幼好學至正初由國子生授平準職轉定襄縣尹旬月而治民有歌曰斷幾件精細事取幾件明白招只此龍圖不姓包常騎驢往來其家人至今稱之祀鄉賢祠

明

劉寅字拱辰常以道學自任教授鄉里學問淵源登洪武四年進士授兵部主事累遷侍郎嘗著武經直解行於世其書中論道德仁義忠恕敬信粹然一出於正祀鄉賢

趙本忠秋江子也洪武初授本縣儒學訓導發明正學士多宗之



田益字損之性剛直不阿勢力由舉人知光山縣廉明果斷政稱河南第一擢監察御史權倖斂迹巡按鳳陽聽獄多平反貪汙望風解綬遷陝西僉事兵備甘州甚有政聲

李麟崇仁都人永樂年以人才薦歷仕河南彰德府知府清廉率屬慈惠及民一時推爲賢刺史梁璟字廷美少好學孝友謙恭登天順八年進士授給事中成化中累遷都給事中嘗劾都御史王越邀功起釁而薦前兵部尙書王竑都御史

高明詔涉昭德官觸帝怒逮至文華殿訊拷之尋獲釋擢陝西亦政分守洮岷西番入寇提兵斬其魁徧歷所部詢民疾苦糾察郡縣吏洮岷以安宏治初巡撫湖廣賑飢民理冤獄永州寇作督官兵平之尋移撫四川除劇盜擢南京吏部右侍郎進南京戶部尙書出納明允耐清苦遵矩度與北部周經齊名以星變乞歸卒於家祀鄉賢

李瓚字重器少以孝感愈父疾由進士任給事中



明倫彙編 家範典 卷八 十一  
多所建白陞四川叅議惠多及民尋轉貴州削  
平僭亂陞苑馬寺卿謝政歸行李蕭然人多稱  
之

張仁中成化甲午鄉舉尹兩當政教大行旋致仕  
歸教督子孫一秉法度鄉里仰其高風

王敬應成化八年里選授房山尹不避權倖尋判  
西安督糧郡縣行部有期不果太守嚴柳東問  
其故曰吾心動恐有親故踰數日母訃至巡撫  
熊公嘉其孝感贈賻金以異之起服判汝寧政  
尚寬簡民甚悅焉

張錦中成化丙午解元授丹陽令分祿養所親陞  
判保慶繼調開封並著惠政民歷久思之

賀瓚中成化丙午鄉舉任三原訓導立心清慎造  
士有方上官交薦之陞南京國子監助教

賀璠字寶之瓚弟由舉人任長安知縣廉靜寡欲  
改知高陵狀元呂柟頌其賢有雀飲硯池犬驚  
樂韻之句以事忤逆瑾免官瑾誅起知鄆縣多  
惠政



山泉元 卷八  
劉淮字濬之號西溪有勇力好學問成化庚子襲  
廕宣府前衛宏治壬子出守保安新城歷陞宣  
府副總兵賜飛魚一襲時榮遇無比會值有  
兵警淮奮卒擊之捷聞進級賜金帛註中府都  
督僉事備鎮宣府統馭得宜地方寧謐武宗辛  
邊邊將爭起取寵淮獨謙退武宗稱爲劉夫子  
嘉靖間鎮守關陝終其任邊境寧謐註左軍都  
督僉事移鎮遼東招來安撫振肅軍威以年老  
告歸卒於家

舊志無採省志補

賈忠由舉人知滄州有異政設法救荒民無失所  
九年秩滿當去任民詣闕請留更任九年滄州  
民歌曰滄州賢太守愛民如父母九年又九年  
老幼皆得所累遣苑馬寺卿

張盤義民鑑之子富而好施凡建義學修道路周  
卹困貧歲捐金數百克承父志後領鄉薦刻意  
厲行嘗以聖賢自期胸次悠然外著和易望而  
知爲純儒又饒有經濟不爲迂疎之學邑令造



廬請謁諮訪時務盤剴切指陳動中體要上下  
賴之恬退不仕以樂道終其身崇祀鄉賢

李本立字道生正德庚午亞元任陝西慶陽府通  
判才識明敏遇事迎刃而解陞直隸景州知州  
士服其教民懷其德調雲南新安景州人思之  
建生祠以祀焉

郝璋中嘉靖壬午鄉舉初尹上蔡積穀活飢民甚  
衆旋調靈寶擢知陳州蝗不入境陟大名府同  
知璋之爲政寬而不縱嚴而不苛所在宜民祀

### 靈寶名宦祠

亢慶鴻嘉靖間貢知陝西同官縣建奎光樓修濟  
陽永壽諸寨爲縣防守爲政日久民甚德之

賀愈登隆慶辛未進士任咸陽知縣有大疑獄歷  
年不決株連多人愈至立爲讞定開釋無辜稱  
神明焉行取工部虞衡主事禁絕侵欺節省庫  
金逾萬尋擢都水郎中督杭州權稅釐剔積弊  
公私兩便陞陝西臨洮知府一秉清勤以爲政  
有權閹奉差至洮驕橫百出愈以法屈之閹恚



山縣志 卷八  
甚還京將中以不測愈自問不遂要津以親老  
終養告歸卒於家

李楠萬歷丁丑進士授刑部主事晉郎中出守鳳  
翔府補保定遷陝西副使分巡河西尋改靖邊  
兵備親歷川原籌邊務屢疏乞身七年復起陝  
西副使分巡河內遷本省按察使歷布政使擢  
巡撫陝西楠起家刑漕游歷開府清介公直及  
持節西陲練士卒繕守備城垣屹如金湯保障  
功高宦蹟詳陝西通志朝廷以清廉卓異壘書

褒之加一品俸及卒贈兵部侍郎特賜全葬諭  
祭崇祀鄉賢著有四六稿蟬鳴集行世

張九鼎大陽里人貢生任山東樂陵縣教諭崇正  
癸未攝德平象時四方多警九鼎捐俸繕修城  
垣廣儲守禦之具召募義勇合以門兵衙卒預  
備不虞明年正月敵兵薄城營南門外晝夜環  
攻九鼎挿血誓衆登陴死守三子玘璨璠俱從  
城頭炮矢齊發敵乃移屯城北弭家庄旋接營  
去三月初忽復至九鼎坐鎮城樓督理調度目



不交晷食不下咽者彌月敵知有備不復攻城  
武德道雷公稱爲渾身是膽滿腹皆兵以功晉  
儀封知縣九鼎嘗嘆時事不支竟憂勞成疾辭  
歸卒於家

李景時字行可號元麓杲仲子也與弟旦時勗時  
號崢陽三鳳崇禎年以歲貢仕濟南府通判勤  
敏幹濟爲上官推重攝鄒平篆釐奸剔弊閱月  
政成直指使疏薦之德州將官尅扣軍餉衆兵  
大譟作亂撫按檄景時治之景時單騎直入諭

以大義招降三千餘人以功奏署本府事闖賊  
渡河濟南破立僞官景時曰吾職任守土殉國  
難分也但老母在家不可不訣別乃急馳歸母  
曰臣死忠子死孝汝自爲之景時遂服藥死

國朝

亢得時少穎悟年十二爲博士弟子會大兵南下  
以俘纍走千里幾死者數未嘗一日忘讀已乃  
教授瀋陽人稱山西夫子 王師入關定鼎除  
國史院學士尋命巡撫河南節省河工煩費累



萬率各屬招撫流亡給以耕具奏免荒糧亟舒民困順治十五年晉兵部尚書總督漕運禁包攬代納之弊權緩急度支之宜剛紀嚴肅遠近翕然時海氛未靖潛窺內地得時聞變馳拒之賊蜂集勢不支得時曰爲國重臣不能滅此朝食安得覩顏偷息以爲國恥乃向闕九叩畢投郵河死遺疏陳狀朝廷哀悼予卹典廕其子承恩內院讀書

張允中大陽都人順治中由進士任河南襄城縣值地方凋瘵允中悉力體養輕徭寬賦招撫流亡月朔集諸生課試明倫堂並爲教條以盡勸道歲旱蝗允中虔禱備致靈應襄民感之刊布青天德政詞五十則以爲頌擢吏部主事國朝一統志循吏傳允中預焉並載其所著治襄錄祀襄城名宦祠

張贄順治戊子辛卯兩中副車康熙七年授江南安慶府通判爲政和易宜民人懷其德旋告歸不復入仕途贄生平爲善若不及嘗箋釋其祖



父學正維存心事天圖說并自著勸諭恒言刊布行世其論立身行事修己治人之道至詳且要讀者奉爲金鑑云

李期遠勵子登康熙戊辰進士任陝西隆德縣知縣仁心爲政請蠲窮民賠糧數萬緡民立生祠祀之擢吏部郎銓選秉公明於黜陟人比之山公啟事云

李燕生字華宸儵子生有異兆年十二郎以經術自許讀韓昌黎文有醇而後肆之樂居父喪哀

毀骨立人以孝稱登康熙辛未進士選授翰林教習庶吉士日與同館講貫經義闡抉微奧一時推爲儒宗性恬退不樂仕進引疾告歸足不出戶日從事於性命之學嘗謂客曰中夜久坐自覺胸中空洞無一物此時天理二字似無處安着然竊驗空洞無一物時藹然若有生意此便是仁之本體呈露處蓋其實有所得也生平手不釋卷六經多所發明易尤其所注意者因署其居曰易在謂自王鄭之說行易義漸亾南



宋諸大儒起直易乃在人  
不墜遂自號易在翁  
著有易集及詩文稿於家

栗秀蕃字茂玉大南上都人  
中康熙丁卯鄉舉習  
南宋五子之學實有心得  
當時推爲直孝廉任  
長治縣教諭勤於課士一秉  
蘇湖規範每月朔  
望會集諸生宣講儒先宗  
旨闡微抉奧曠若發  
矇士風丕振蓋本其身教  
爲言教也學使者特  
疏薦之未幾卒於官長士  
立碑學宮頌其教澤  
李徽字元綸燕生子康熙癸  
巳鄉薦第一乙未捷

禮闈雍正癸卯殿試選庶常  
改刑部主事旋歸  
翰林遷監察御史晉僉都  
燕生專意理學徽幼  
服庭訓一以立身行道爲  
本其在刑曹專任現  
審司事論獄多平反上河  
清頌特稱旨丁未會  
試以御史充同考官所拔  
皆知名士巡察畿南  
風節尤著擢湖南觀風整  
俗使時曾靜張熙倡  
爲悖逆煽惑愚民朝廷欲  
簡一才守兼優之臣  
坐鎮勸迪之甚難其人高  
安相國特薦徽遂有  
是命在楚四年察吏化民  
楚風丕變然徽疾惡



至嚴不避權要聲望愈重寵眷日亦隆衆惡其  
害已爭搆之竟落職還京左遷監督倉場積弊  
一空雍正十三年九月今上御極首錄先朝  
勲舊特復原官會當大用遽沾時疾卒於邸第  
朝論惜之所著有原本堂文稿藏於家

張尹大陽都人初仕孝義教諭學使特以卓異疏  
薦晉閩漳浦令民風刁悍尹以嚴明治之釐剔  
弊竇邑大治人心感服爲作仁政謠丁艱歸行  
李蕭然起補粵西永福地多伏莽尹憐之以威  
撫之以德盜遂絕調任諸羅秩滿遷河南彰德  
府丞陞河南府知府正直率屬民愛之歷久不  
忘焉

張鶴尹之子以人才効力軍前雍正初敘錄軍功  
特授刑部員外陞郎中讞決積案疑獄多所平  
反賢能冠西曹大司寇薦之擢貴州道監察御  
史直言條奏不避忌諱有蹇蹇之風







崞城多貯金帛募有降者厚賞之數出奇兵蹂  
禾稼敗其生業不出歲餘彼無所食必降矣高  
祖然其計曰非公誰為勇將即命世讓改為崞  
城總管焉邑病之北兵惡其為已患遣其臣曹  
船佗來言世讓與敵兵通謀欲為亂高祖信之  
殺世讓籍其家

宋

楊延昭太原人以都巡檢使守陽武峪驍勇善戰  
軍中憚之目為楊六郎孟良焦贊並延昭部將  
同時備邊屢立戰功

李翼宣和末為代州西路巡檢使屯縣金人取代  
來諭降翼射却之率士堅守城破搏戰被執怒  
罵不屈死之

李聳宣和末為崞縣令金人破城死之  
張忠輔宣和末為將同崔中折可與守崞縣金人  
來攻忠輔固守拒敵中有二心設伏斬忠輔首  
以降金可與以不屈亦見殺

王唐臣宣和末為縣丞金人破城偕縣尉劉子英



並死節焉

金

張大節五臺人天眷中以進士任崞縣丞廉謹剛  
直果於從政世宗甚愛重之累遷振武軍節度  
使

毛瑞卿彭城進士任崞縣簿摧折豪右奸民歛手  
遺愛久遠陞尚書省令史

明

劉大淵文安監生洪武間任縣丞時甫經丘革地

方元氣未復大淵廉以持已敏以處事撫綏釐  
剔吏畏民懷

武桓中平舉人正統十年任知縣巡行阡陌勸課  
農桑復以境適邊陲凡戰守之具皆先事預備  
治城隍修器械號令嚴肅民賴以全

徐壽昌平舉人成化十五年知縣事有惠政值歲  
大饑壽親詣富民券貸活數萬人捐俸大修來  
宣橋祀名宦

陳誌元城舉人宏治九年知縣事持身廉潔蒞政



山縣志 卷八  
勤勞尤注意於造士修復學校嘗召集諸生親  
爲講學論文後封太和伯祀名宦

雷宗桐城進士正德中以御史直諫北巡忤旨謫  
知縣事律已廉明臨事果斷豪右歛迹邑政振  
舉

閻莊蘭州人正德年爲縣丞清勤以持已公恕以  
撫民尤注意於學校上下胥賴遺愛歷久不衰  
仇相山東淄川監生嘉靖中由饒陽令調任崞縣  
廉慎慈祥號爲衆母建倉儲廣積貯凶荒恃以  
無恐尤加意於學校親課諸生循循善誘士心  
依歸焉後謝政還闔邑攀留不得涕泗而送立  
石誌去思

張三省濱州貢生嘉靖初任縣丞威制豪強清苦  
自甘卒於官貧無以殮

劉廷璋南陽監生嘉靖十二年教諭崞縣立身行  
已一秉端嚴望而知其爲正人爭敬憚之士習  
景行咸服其教

史漁獻縣人嘉靖二十年以舉人知縣事規模軒



豁政事精詳值有兵警備預萬全民恃不恐  
張嘉臣陽武監生爲縣教諭教人以孝弟忠信禮  
義廉耻爲先諸生婚喪貧不能舉者捐俸助之  
喬元相嘉靖三十八年任縣丞時兵革突起直薄  
城下率衆守禦擐甲登陴日夕不稍離民賴以  
安又出金數百贖還本邑驛丞張某當時並重  
其義云

表應春鳳翔舉人萬歷二十七年自靈石調繁崞  
縣課農桑酌徭役罷羨鏹革健訟葺城垣成橋  
梁修壇廟祠節義新學宮飭教場施棺藥栽尸  
稅助諸生婚喪建旌善申明亭調任夏縣去行  
李蕭然有古琴鶴之風士民思之不忘立碑志  
績祀名宦祠

李年耕萬歷二十九年以河南杞縣舉人知崞縣  
爲政嚴明公正率物地方肅然修築城垣尤著  
績焉

陸壽光陝西沔縣選貢萬歷三十四年任縣初建  
學倉修補南北二橋諸事興舉闔邑利賴雅好



山縣志 卷八  
著作詩文推重一時稱文學吏常輯縣志四卷  
其書至今不廢三年秩滿擢去

張鳳池夏縣人萬歷三十二年由歲貢爲崞縣教  
諭學問淵博訓課勤勞嘗著大學理說彙教集  
崇正錄闡明性學振飭文體士人多慕效焉與  
陸令壽光同時縣志其分纂者也擢靈臺知縣  
去祀崞縣名宦

劉楫濟郟城人萬歷中以貢知縣事接任陸壽光  
有規隨之譽仁恕廉明旌善除惡豪猾斂跡革

心地方實利賴之

江若練文登人天啟中由長治丞擢知崞縣力請  
罷民葦租一舒積困又請撥空地租輸之學宮  
以濟貧生矢心仁愛惠澤公普備載善政實錄  
鄭獨復山東新城舉人崇正初知縣事值邊境多  
故百姓供應軍儲脂膏枯竭至不聊生獨復省  
差縮賦弭盜安民憲使丁公薦爲廉能第一擢  
寧鎮府丞調繁陽和會北兵屢入內地掠崞擄  
去婦女百千出宣大口獨復偵知之率衆截其



歸路敵却去盡棄婦女獨復悉給衣糧車牛之還  
家慶重生焉大司馬張公鳳翼立石紀績崞人  
祚之名宦祠

國朝

范印心河南河內人順治五年以進士知縣事持  
操廉潔克勤厥職首請驛馬之牧於民者還諸  
官積困以甦姜逆亂省北所在披靡印心殫力  
防禦邑獲安五臺寧武士賊乘間竊發嘯聚數  
千時時出沒縣境印心召募鄉勇千人合以壯

丁每村設一團練復立練總統之訓習有法號  
令嚴明嘗以身率先出行勦殺賊不敢犯又請  
蠲逋賦贖俘掠婦女民甚德之累任河東分守  
道祀太原府名宦祠

楊澤武功進士先爲浙江烏程令以憂回籍順治  
八年起補崞縣時姜逆初平田野荒蕪人民散  
匿澤悉力休養並得復業保聚捐俸繕修城垣  
文廟及各處橋梁煥然改觀一切行戶郵遞賊  
役之爲民累者盡行革除殲木虎山羣盜計擒



山集元 卷八  
原平賊魁趙某巡撫馬公許爲治狀第一崢民  
立碑頌德云

宋師聖康熙十一年以秦安拔貢任縣丞有幹練  
才勤敏爲政嘗督修城垣及學宮殿廡齋署捐  
俸助工制度燦然治民尤篤慈惠有眞民父母  
之頌立石誌去思崇祀名宦

儀威絳州貢生康熙二十八年爲教諭秉性廉潔  
督誨諸生一秉程法時學宮雖經修復規模猶  
未完備威悉力興舉捐俸飲助於是咸正無缺

焉邑士勒石紀其績嵌 崇聖祠東壁

張承祖山東平陰貢生康熙三十年任縣廉明爲  
政冰蘖自矢先是一切行戶俱有官價比民間  
平買減半值徵粮耗羨加三四積困久矣承祖  
盡除之歲遭屢荒邑多盜承祖恩威並用奸宄  
革心民愛之如父母畏之如神明立碑頌德徧  
鄉邑云



陳子云

華心另愛之收父母男之收帳即立婚於游

益劍之趙敵以武邑之盜承厥恩越並用我

李賢然半道遊舞殊美城三四蘇困人突承厥

如木藥自美決景一四許兵身商官爵以封

兼承顯山東平劍資主熱點三十五丑選流

黃野士性可



